

# Druga odluka Visokog predstavnika o restrukturiranju javnog RTV sistema u Bosni i Hercegovini

Clan 1. UVOD

Clan 2. JAVNI RADIO-TELEVIZIJSKI SISTEM

2.1 Privremena korporacija za prijenos programa

2.2 Nove korporacije

2.3 RT RS

2.4 Zajednicke aktivnosti

2.5 Finansije

2.6 Radni odnosi

Clan 3. JAVNI RTV SERVIS BOSNE I HERCEGOVINE

3.1 Ovlasti, nadležnost i objavljivanje u službenom listu

3.2 Prijenos

3.3 Prava

3.4 Program PBS BiH

3.5 Rukovodjenje

3.6 Upravljanje imovinom

3.7 Upravljanje tehničkim resursima

Clan 4. RADIO TELEVIZIJA FEDERACIJE BOSNE I HERCEGOVINE – d.o.o.

4.1 Program

4.2 Rukovodjenje

Clan 5. RADIO-TELEVIZIJA REPUBLIKE SRPSKE

Clan 6. PROVEDBA

**Koristeci se** ovlastenjima koja su mi data clanom 5. Aneksa 10 Opceg sporazuma za mir (u daljem tekstu: Sporazum), prema kojem je Visoki predstavnik konacni autoritet u zemlji u pogledu tumacenja svog mandata; i posebno uzevsi u obzir clan

II 1. (d) istog Sporazuma prema kojem Visoki predstavnik ima ovlastenje da pomogne, kada to ocijeni neophodnim, u iznalazenju rjesenja za sve probleme koji se pojave u vezi sa civilnom implementacijom Sporazuma; pozivajuci se na tumacenje tog ovlastenja datog u stavu XI.2 Zakljucaka Konferencije za implementaciju mira odrzane u Bonu 10. decembra 1997. godine, posebno u podstavu (b) Zakljucaka, prema kojem Visoki predstavnik ima pravo da donese obavezujuce odluke kada to ocijeni neophodnim, o usvajanju mjera u cilju implementacije Sporazuma na cijelom podrucju Bosne i Hercegovine (u daljem tekstu: BiH), ukljucujuci i privremene mjere koje stupaju na snagu kada strane nisu u mogucnosti da postignu sporazum;

**Uzimajuci u obzir** da, shodno nadleznostima institucija Bosne i Hercegovine da dodjeljuju frekvencije za emitiranje prema Zakonu o telekomunikacijama Bosne i Hercegovine, clan III 1. (h) Aneksa 4 i clan 3. Aneksa 9 Opceg okvirnog sporazuma za mir u Bosni i Hercegovini jasno utvrđuju mogucnost da institucije i Bosne i Hercegovine i entiteta osnuju i rukovode, pojedinacno ili zajednicki, subjektima za komunikacije u vidu javnih RTV preduzeca;

**Imajuci na umu** preporuke Vijeca za implementaciju mira sadrzane u stavu 63. Deklaracije iz Luksemburga od 9. juna 1998. godine, kojim se naglasava vaznost javnog RTV sistema u Bosni i Hercegovini i na strane apelira da u cilju postizanja tog cilja, saradjuju sa Visokim predstavnikom u restrukturiranju RTV BiH i integraciji prijenosnog sistema; imajuci na umu dalje preporuke Vijeca za implementaciju mira sadrzane u Poglavlju V, stavu 21. i 24. Deklaracije iz Madrida od 16. decembra 1998. godine u kojem se naglasavaju oba cilja s posebnim akcentom na uspostavu integrirane televizijske mreze Federacije u kojoj ce sve zajednice biti u potpunosti zastupljene i koja ce imati transparentno finansiranje, kao i na uspostavu javne korporacije za emitiranje i prijenos; imajuci na umu da je u gore pomenutom stavu 24. Vijece za implementaciju mira naglasilo svim stranama potpisnicama Opceg

okvirnog sporazuma za mir da postoji potreba za reguliranjem aktivnosti stranih RTV kuca u BiH, kao sto su Hrvatska radiotelevizija i Radio-televizija Srbije, u skladu sa postojećim zakonom; takodje, imajući na umu da je 30. jula 1999. godine Visoki predstavnik započeo privremeno restrukturiranje Javnog RTV sistema u Bosni i Hercegovini uspostavljanjem PBS BiH i RTV FBiH, njihovog finansiranja, te ukidanja RTV BiH;

**Konstatirajući** da je u skladu sa gore navedenim preporukama Vlada Republike Srpske (u daljem tekstu: Vlada RS-a) dana 13. februara 1998. godine potpisala sporazum na osnovu kojeg je uspostavljen niz privremenih aranžmana za restrukturiranje Srpske Radio-televizije (u daljem tekstu: SRT) u skladu sa Evropskim standardima javnog RTV servisa, nakon kojeg je potpisan Memorandum o razumijevanju dana 17. avgusta 1998. godine prema kojem se Vlada RS-a obavezala da će prihvatiti mehanizam za transparentno i pouzdano finansiranje SRT-a. Privremeni aranžmani i Memorandum o razumijevanju su trebali ostati na snazi sve dok se ne ugrade u novi zakon o SRT-u koji je, prema instrukcijama koje je Visoki predstavnik u pisanoj formi dostavio Vladi RS-a, trebao biti usvojen do 31. decembra 1998. godine. Konstatirajući takodje da je Predsjedništvo BiH dana 11. juna 1998. godine usvojilo drugi Memorandum o razumijevanju kojim se Predsjedništvo BiH obavezalo na uspostavu Javnog RTV servisa za cijelu BiH. Memorandumom o razumijevanju se traži imenovanje Privremenog upravnog odbora za RTV BiH koji bi pripremio prijedloge za osnivanje takvog RTV servisa za cijelu BiH, uključujući i integriranu mrežu za prijenos, kao i prijedloge za formiranje Javnog RTV subjekta za Federaciju BiH. Prema Memorandumu o razumijevanju, ove nove strukture su trebale biti uspostavljene do kraja 1998. godine. U slijedećoj fazi, oba Doma Parlamenta Federacije su razmatrala zakon o uspostavi RTV FBiH na osnovu prijedloga Upravnog odbora RTV BiH. Parlament Federacije se nije mogao usaglasiti po pitanju konačnog teksta zakona. Nadalje, nakon sto je Visoki predstavnik donio Odluku o restrukturiranju

Javnog RTV sistema 30. jula 1999. godine, Vlade u BiH nisu donijele nijedan zakon o restrukturiranju Javnog RTV sistema, iako je Visoki predstavnik to od njih zahtijevao. Prema tome, nije ispunjen nijedan od naprijed navedenih ciljeva, te se stoga mora nastaviti proces koji je započeo Visoki predstavnik.

**Uzimajući u obzir, imajući na umu i konstatirajući sve gore navedeno, ovim donosim slijedecu**

## **DRUGU ODLUKU O RESTRUKTURIRANJU JAVNOG RTV SISTEMA U BOSNI I HERCEGOVINI**

### **Član 1. Uvod**

1.1. Ovom Odlukom se nastavlja proces restrukturiranja Javnog RTV sistema putem daljeg prijenosa kontrole nad imovinom Radio-televizije Bosne i Hercegovine (postojeca državna radio-televizija, u daljem tekstu: RTV BiH).

1.2. Zadatak je osnivanje ekonomski i tehnicki održivih radio-televizijskih preduzeca i postavljanje temelja za snazan sektor javnih medija u Bosni i Hercegovini, u svjetlu medjunarodnih iskustava i savremenih profesionalnih kriterija.

1.3. Mandat Agenta za prijenos imovine je prvobitno utvrdjen Odlukom Visokog predstavnika o restrukturiranju Javnog RTV sistema u Bosni i Hercegovini od 30. jula 1999. godine, koja je objavljena u "Sluzbenom glasniku Bosne i Hercegovine" (br. 14/99) (u daljem tekstu: Odluka o restrukturiranju). Ovom Drugom odlukom o restrukturiranju Javnog RTV sistema u Bosni i Hercegovini se nastavlja proces uspostavljen Odlukom o restrukturiranju.

1.4. Sve ovlasti i obaveze Agenta za prijenos imovine su objedinjene u novu funkciju pod nazivom Agent Visokog predstavnika za RTV sistem. Ovim prestaje funkcija Agenta za prijenos imovine.

1.5. Odluka o restrukturiranju se mijenja i dopunjuje Aneksom na ovu Odluku koji predstavlja njen sastavni dio.

1.6. Rukovodioci u Javnom RTV sistemu snose punu odgovornost za efikasno rukovodjenje, a upravni organi i tijela u Javnom RTV sistemu su zaduzeni samo za opce planiranje, opcu organizaciju i opce usmjeravanje. U upravne organe i tijela spadaju Osnivacki odbor Javnog radio-televizijskog servisa Bosne i Hercegovine, Vijece radio-televizije Federacije Bosne i Hercegovine – drustvo sa ogranicenom odgovornoscu, Upravni odbor Radio-televizije Republike Srpske, Upravni odbor Privremene korporacije za prijenos programa, i njihove izvrsne komisije.

1.7. Odluka je donesena na osnovu strucnog misljenja i iskustva stecenog nakon donosenja Odluke o restrukturiranju, ukljucujuci konsultacije sa Osnivackim odborom Javnog radio-televizijskog servisa Bosne i Hercegovine, Vijećem radio-televizije Federacije Bosne i Hercegovine – drustva sa ogranicenom odgovornoscu Upravnim odborom Radio Televizije Republike Srpske, Nezavisnom komisijom za medije (u daljem tekstu: IMC) i Sindikatom RTV BiH.

1.8. Medjusobne obaveze korporacija se navode u dijelu koji nosi naslov "Javni RTV sistem". Pojedinačni zahtjevi za svakog člana sistema navode se u okviru odgovarajucih podnaslova. Naglasena su radna mjesta i strukture na visem nivou.

1.9 Obaveze, potrazivanja i javni krediti RTV BiH prenose se na korporacije nakon izvrsene revizije.

1.10 Pod stalnim nadzorom Visokog predstavnika, Agent Visokog predstavnika za RTV sistem, uz redovite konsultacije sa upravnim tijelima Javnog RTV sistema, Sindikatima ili IMC-om, prema potrebi, koordinira, nadgleda i usmjerava restrukturiranje Javnog RTV sistema u Bosni i Hercegovini.

1.11 Smatra se da su zamjenice muskog roda koje se koriste u daljem tekstu neutralne po rodu.

## **Clan 2. Javni radio-televizijski sistem**

### **2.1 Privremena korporacija za prijenos programa**

2.1.1 Privremena korporacija za prijenos programa (u daljem tekstu: ITC) nastavlja da upravlja svim predajnickim lokacijama, predajnicima i vezama svih javnih radio-televizija, kao i ostalom infrastrukturom za prijenos programa. Rukovodni kadar za odasiljace i veze i tehnicko osoblje koje radi u postojećim RTV kucama se raspoređuje na dužnost u ITC. Prvi zadatak ITC jeste da obezbijedi održavanje i punu operativnost prijenosnog sistema za cijelu zemlju koji ce u srednjoročnom periodu biti u stanju da ispuni postojeće potrebe.

2.1.2 ITC može sklapati ugovore sa domaćim i stranim radio-televizijskim kucama o upotrebi njihovih predajnickih lokacija i opreme kada za to postoje opravdani poslovni razlozi. Prvi prioritet ITC je prijenos Javnog RTV sistema BiH.

2.1.3 Sve dok ITC ne bude imao sopstvene prihode, radio-televizijske kuce isplacuju troskove održavanja, place radnika prema postojećim pravilnicima i raspoređuju radnike prema instrukcijama Odbora ITC. Prihod se stice po osnovu godisnjih sporazuma o pružanju usluga distribucije programa koji se zakljucuju sa radio-televizijskim kucama. ITC ce odmah zapoceti kadrovsku popunu svoje organizacije. Kako bi se ovo postiglo, RTV FBiH i RT RS ce na zahtjev ITC-a ustupiti osoblje za održavanje predajnika, kao i finansijska sredstva namijenjena za održavanje predajnika.

2.1.4 Javna korporacija za upravljanje sistemom prijenosa ce se osnovati pod pokroviteljstvom Komisije za javne korporacije u skladu sa Aneksom 9 Opceg okvirnog sporazuma za mir, u roku od 30 dana nakon objavljivanja ove Odluke.

2.1.5 Ova Odluka ne utice na vlasnicka prava.

### **2.2 Nove korporacije**

Ovom odlukom se uspostavljaju dvije nove javne korporacije:

Javni radio-televizijski servis Bosne i Hercegovine i Radio-televizija Federacije Bosne i Hercegovine (u daljem tekstu: PBS BiH i RTV FBiH). One djeluju u jednom strateskom okviru, ali imaju znacajnu rukovodnu neovisnost. PBS BiH ce omoguciti operativnu rukovodnu neovisnost svojim "davaocima usluga", tj. Odjelu za upravljanje imovinom i Odjelu tehnickih resursa. Svrha ovih Odjela je postizanje viseg stepena profesionalizma, modernizacije i znacajnih pomaka u pogledu efikasnosti u svim ovim specijalizovanim djelatnostima.

## **2.3 RTRS**

Razvoj Javnog preduzeca Radio-televizije Republike Srpske sa sjedistem u Banja Luci (u daljem tekstu: RT RS) je sustinski dio stvaranja Javnog radio-televizijskog sistema u BiH kako je to odredilo Vijece za provedbu mira (PIC). RT RS ce ucestvovati u prihodima i rashodima ovog novog sistema putem medjusobnih sporazuma o saradnji sa ostalim clanovima Javnog RTV sistema BiH.

## **2.4 Zajednicke aktivnosti**

2.4.1. **Nove radio-televizijske kuce** se usredsredjuju na proizvodnju radio i tv programa i saradjuju u cilju najboljeg koristenja raspolozivih budzeta. One ce, prema tome, zajednicki koristiti tehnicke resurse, zgradu RTV BiH (u daljem tekstu: Medijski centar), prostore za proizvodnju programa i pool informativnih resursa. Subjekti ce uspostaviti medjusobnu razmjenu i proizvodnju vijesti i ostalog programa.

2.4.2 **Upravni odbor Medijskog centra** cine direktori RTV korporacija, ili njihovi predstavnici, predstavnik sindikata, predstavnik uposlenog osoblja koji ima ovlasti da zastupa njihove interese, rukovodioci PBS BiH za upravljanje imovinom i tehnickim resursima i poslovni direktor PBS BiH. Poslovni direktor PBS BiH predsjedava Odborom. Odbor je u ime radio-televizijskih kuca zaduzen za kreiranje i provodjenje jasne poslovne politike u sferi upravljanja imovinom, tehnickim resursima i ugovorima o pruzanju usluga. Njegov prvi zadatak je utvr?ivanje okvira poslovne politike i finansijskih

kontrola kojima ce se regulirati poslovi izmedju korporacija. Procedura poslovanja, principi nabavke i finansijske kontrole moraju biti zajednicki i transparentni, te odobreni od strane Odbora Medijskog centra. Obavezna je godisnja nezavisna revizija svih aktivnosti Odbora, a troskovi revizije su ukljuceni u sve ugovore.

**2.4.3 Odjel PBS BiH za upravljanje imovinom** cuva, odrzava, popravlja, mijenja i raspolaze prema potrebi sa svim strukturalnim elementima, elektricnim, toplotnim, klimatizacijskim, vodovodnim instalacijama, uredskim namjestajem, restoranima i pripadajucom imovinom RTV BiH. On osigurava upravljanje zgradom i njeno odrzavanje, kao i pružanje cijelog niza kucnih usluga za javni RTV sistem.

2.4.3.1 Korisnici placaju ove kucne usluge prema godisnjem ugovoru o pružanju usluga. Naplata ovih usluga mora biti transparentna, mora povratiti troskove, i ukljuciti odredjeni procenat u cilju prikupljanja rezervnih sredstava za nepredvidjene troskove. RTV kuce i druge korporacije u sklopu Javnog RTV sistema ce imati prioritet u pružanju ovih usluga. Njihove potrebe ce biti jasno naznacene u godisnjim planovima.

2.4.3.2 Ovaj Odjel ce takodje imati pravo da izdaje prostor i pruza usluge drugim organizacijama, pri cemu ce prioritet dati bh. medijskim kucama. Prihod ce pripadati PBS-u BiH.

**2.4.4 Odjel PBS BiH za tehnicke resurse** odrzava i nabavlja ili raspolaze tehnickim resursima za proizvodnju RTV programa u skladu sa detaljnim poznavanjem sadasnje tehnologije emitiranja. Radio-televizijske kuce u okviru svojih godisnjih planova dostavljaju svoje potrebe PBS-u BiH, i njihova zajednicka upotreba se regulira ugovorima koje zakljucuju RTV kuce o pružanju usluga sa naznakom troskova.

2.4.4.1 Prvi korak je utvrdjivanje koji ce se tehnicki resursi iz RTV BiH zadržati. Odluke o ovome se zasnivaju na zakljuccima izvjestaja Agenta za prijenos imovine o tehnickim kapacitetima i radu RTV BiH, koji je izradjen u aprilu 2000. godine.



2.4.4.2 Sva oprema koja se bude nabavljala u budućem periodu mora biti ili digitalna ili kompatibilna sa digitalnim okruženjem. Planiranje sredstava za tehničke resurse se vrši na nivou Odbora Medijskog centra, čime se osigurava zamjena i moderniziranje opreme, i na sve ugovore se dodaje dogovoreni iznos u cilju omogućavanja moderniziranja i zamjene opreme.

2.4.4.3 Ovaj Odjel će također imati pravo da pruža usluge drugim organizacijama, pri čemu će prioritet dati bh. medijskim kućama. Prihod će pripadati PBS-u BiH.

## **2.5 Finansije**

2.5.1. Radio-televizijske kuće se i dalje finansiraju putem zajedničkog sistema finansiranja koji može obuhvatati RTV pretplatu, sredstva dodijeljena iz općeg javnog budžeta i prihod od ekonomsko-propagandnog programa.

2.5.2. Prema Odluci o restrukturiranju, RTV FBiH i RT RS će i dalje sklapati ugovore sa Elektroprivredama u Federaciji BiH i Republici Srpskoj u cilju povećanja naplate pretplate i prijenosa tih sredstava na bankovne račune.

2.5.3 Prema članu 2 Odluke o restrukturiranju, RTV FBiH i RT RS uplaćuju doprinos u budžet PBS BiH u omjeru 2:1. Ovaj omjer se može mijenjati sporazumno između RTV kuća kako bi se odrazile promjene u nivoima naplata pretplate, ili drugih prihoda, ili potreba po osnovu razvoja PBS-a i programske raznovrsnosti. Sve ostale odredbe i uvjeti iz člana 2. Odluke o restrukturiranju se stavljaju van snage. Ovi aranžmani ostaju sve do stupanja na snagu Zakona o Javnom RTV servisu BiH kojim će se utvrditi metod naplate pretplate za PBS BiH.

2.5.4 PBS BiH sklapa ugovore sa drugim javnim RTV kućama u cilju određivanja formule za podjelu prihoda od ekonomsko-propagandnog programa u udarnom terminu.

2.5.5 RTV kuće, kao nosioci osnovnog budžeta u koji se uplaćuje prihod od pretplate i ekonomsko-propagandnog programa, će prilikom upravljanja budžetom težište staviti na proizvodnju programa, a izdatke u svim ostalim funkcijama će

odrediti prema prioritetima. Finansijsko rukovodjenje svih korporacija ce biti transparentno i u svim aspektima otvoreno za javnost.

2.5.6 Kontrolu procesa ubiranja pretplate morace vrsiti revizorska institucija. Revizorska kontrola se vrsi svakih sest mjeseci po isteku svakog utvrdjenog obracunskog perioda. Revizijom se utvrdjuju troskovi procesa naplate, kao i tacan iznos prikupljenih sredstava od pretplate. Na ovim rezultatima se zasnivaju sve odluke u vezi sa pretplatom, bilo da su politicke ili operative prirode. Direktor Finansija PBS BiH imenuje revizore.

2.5.7 RTV pretplata ne podlijeze poreskim obavezama.

2.5.8 Javne radio-televizije treba da u dogledno vrijeme odrzavaju prihod od marketinga na prosjecnim nivoima za evropski javni RTV sektor. IMC ce, nakon konsultacija sa RTV kucama i Agentom Visokog predstavnika za RTV sistem, izraditi nove propise. Sigurno i stabilno finansiranje je osnovni zahtjev u ovom sektoru; odrzivost radio-televizijskih kuca u dogledno vrijeme ovisi od znacajnog priliva sredstava ostvarenih po osnovu marketinga. Potrebno je ulagati maksimalne napore da se izbjegavaju kompenzacioni aranžmani, i da se ostvaruje stvaran dohodak.

2.5.9 Sve korporacije imaju iste standardne definicije i principe vodjenja racunovodstva i amortizacije u skladu sa medjunarodnim standardima racunovodstva za javne radio-televizijske kuce ili korporacije. One završavaju fiskalnu godinu istog dana svake godine, i razmjenjuju izvjestaje o kvartalnom i godisnjem bilansu stanja, bilansu uspjeha i prilivu sredstava, kao i stvarnim rashodima u odnosu na rashode planirane budžetom svake godine na isti dan. Direktor Finansija PBS BiH ugovara godisnju reviziju u svim subjektima Javnog RTV sistema. Rezultati se podnose svim korporacijama u sistemu i javno se objavljuju u roku od mjesec dana nakon izvršene revizije.

## **2.6 Radni odnosi**

2.6.1 Sindikati sa clanstvom od najmanje 50% uposlenog osoblja bilo koje korporacije Javnog RTV sistema se smatraju partnerima u provodjenju ove Odluke u pogledu prava tog uposlenog osoblja. Sindikati ce biti zastupljeni u upravnim tijelima Javnog RTV sistema BiH.

2.6.2 Uposleno osoblje u Javnom RTV sistemu koje nije u clanstvu Sindikata ce imati pravo da se pridruzi Sindikatu ili da izabere svog predstavnika. Izabrani predstavnik nece biti clan rukovodnog tima odjela za kadrove niti jedne korporacije Javnog RTV sistema. Predstavnik je posrednik za sva pitanja u odnosu na status uposlenog osoblja koje nije u clanstvu Sindikata i vrsi pregovore sa rukovodstvom.

2.6.3 Do donosenja zakona i podzakonskih akata Bosne i Hercegovine o radnim odnosima i odgovarajucim beneficijama, uposleno osoblje Javnog RTV sistema BiH ili Privremene korporacije za prijenos programa ima pravo da se izjasnjava o primjeni zakona i podzakonskih akata o beneficijama iz radnog odnosa Federacije Bosne i Hercegovine ili Republike Srpske.

## **Clan 3. Javni RTV servis Bosne i Hercegovine**

### **3.1 Ovlasti, nadležnosti i objavljivanje u sluzbenim novinama**

3.1.1 PBS BiH je Javni RTV servis za drzavu Bosnu i Hercegovinu. Njegov upravni odbor je Osnivacki odbor PBS-a. PBS BiH ima sva izricita, ocigledna i implicirana ovlastenja, prava i nadležnosti koje su opce priznate javnim korporacijama u Evropi. PBS BiH ima status i kapacitet pravnog lica Bosne i Hercegovine i moze vrsiti svoju djelatnost na cijeloj teritoriji Bosne i Hercegovine (ukljucujuci Distrikt Brcko). Ne postoji obaveza registracije PBS-a BiH u entitetima, niti u njihovim manjim administrativnim jedinicama. Drzava Bosna i Hercegovina je nosilac svih prava u korporaciji, i korporacija ne izdaje dionice.

3.1.2 PBS BiH ce u "Sluzbenom glasniku" Bosne i Hercegovine odmah objaviti slijedece: (1) naziv i sjediste kompanije; (2)

adrese svih područnih ureda; (3) imena, adrese i nadležnosti direktora i drugih lica u Bosni i Hercegovini koji su ovlašteni da predstavljaju korporaciju; i (4) logo korporacije, ukoliko postoji. PBS BiH će objaviti sve eventualne amandmane u roku od 15 dana od dana njihovog donosenja.

3.1.3 Na poslovnim prostorijama kompanije je istaknut njen naziv, a sva poslovna prepiska i nalozi sadrže puni naziv kompanije, imena lica koja su ovlaštena da zastupaju korporaciju, i adresu sjedišta korporacije. Druga lica mogu zastupati korporaciju u skladu sa zakonom. Ona neće biti odgovorna za obaveze koje stvaraju njeni zastupnici djelujući izvan okvira njihovih izricitih ovlaštenja, osim u slučaju kada takve obaveze odobri zastupnik korporacije koji ima dovoljno široka ovlaštenja.

## **3.2. Prijenos**

3.2.1 IMC će utvrditi i rezervirati jedinstvene frekvencije koje će PBS BiH koristiti za mrežu kojom se pokriva cijela teritorija BiH putem TV, FM radija i AM radija. Međutim, PBS će u početku, nakon što IMC izda dozvolu, početi TV emitiranje u udarnim terminima, koristeći frekvencije entitetskih RTV kuća. Program se emitira na jednom televizijskom kanalu, i na jednoj radio mreži. U tom programu, kao i u programima emitiranim putem drugih medija, biće zastupljeni svi narodi i građani bez obzira na spol, rasu, boju, jezik, vjeru, političko ili drugo uvjerenje, nacionalno ili društveno porijeklo, povezanost sa nacionalnom manjinom, imovinu, rođenje ili drugi status.

3.2.2 Od samog početka PBS BiH Televizija će emitirati vijesti iz zemlje i iz svijeta koje će se prenositi istovremeno u oba entiteta, i to u udarnom terminu, u vrijeme koje se treba usaglasiti, sedam dana u sedmici, kao srž večernjeg programa PBS-a BiH.

3.2.3 PBS BiH Radio će pokrivati cijelu teritoriju države i prvenstveno će se prenositi na frekvenciji FM. PBS BiH Radio ima potpuno pravo na AM frekvencije RTV BiH. Termini na ovom

kanalu se mogu prodati drugim RTV kućama.

### **3.3 Prava**

3.3.1 PBS BiH ima sva prava i obaveze za emitiranje međunarodnih sportskih događaja, programa u produkciji stranih RTV kuća koje otkupi PBS BiH, igranih filmova i cjelokupnog programa u produkciji PBS BIH.

3.3.2 PBS BiH ima sva prava i obaveze za satelitsko emitiranje programa za BiH dijasporu. Ovaj program treba da sadrži priloge i PBS-a i obje entitetske radio-televizije.

3.3.3 PBS BiH će biti član iz BiH u Evropskoj uniji za radio-difuziju (EBU) i imaće sva prava i obaveze koje proizilaze iz tog članstva.

3.3.4 PBS BiH ima sva prava i obaveze za svu intelektualnu imovinu RTV BiH, kao i za programska prava, uključujući i televizijsku i radio arhivu, te će što je prije moguće početi da upravlja tim pravima i koristi ih za dobrobit svih RTV kuća u BiH.

3.3.5 PBS BiH ima sva prava i obaveze prema svim objektima, instalacijama, električnim, grijnim, klimatizacionim, vodovodnim instalacijama, uredskim namjestajem, restoranu, te drugoj imovini RTV BiH, uključujući, ali se ne ograničavajući na pravo da drugim dozvoli korištenje objekata uz nadoknadu. Medijske organizacije imaju prednost.

3.3.6 PBS BiH ima sva prava i obaveze prema cjelokupnim tehničkim sredstvima za proizvodnju radio i televizijskog programa, te drugoj imovini RTV BiH. PBS BiH će stititi, održavati i prema potrebi popravljati, zamjenjivati i odlagati takvu imovinu.

### **3.4 Program PBS BiH**

3.4.1 Zadatak PBS-a je da obezbijedi informativni, obrazovni, zabavni i kulturni program na teritoriji cijele države Bosne i Hercegovine. Program PBS BiH će uvazavati nacionalne, vjerske, historijske, kulturne, jezičke i druge karakteristike

konstitutivnih naroda i gradjana BiH. PBS ce proizvoditi vijesti na drzavnom nivou i preci ce na izradu vecernje seme za TV program uz saglasnost sa entitetskim RTV kucama, te cjelodneвно emitiranje programa na radiju.

3.4.2 Jedan urednik i mala producencka ekipa PBS-a BiH bice zaduzeni za satelitski program. Program biraju iz cjelokupne ponude programa javnih radio-televizija u BiH. Ukupni trosak za vršenje ove djelatnosti ce se pokriti na drzavnom nivou, a ne iz prihoda od pretplate.

3.4.3 Proizvodnja cjelokupnog programa treba da se rukovodi uredjivackim smjernicama zasnovanim na najvisim medjunarodnim praksama. RTV kuće ce zajednicki izraditi uredjivacke smjernice u pisanoj formi za sve medije i uciniti ih dostupnim na uvid javnosti u cijeloj BiH kao srz procesa razvijanja odgovornosti prema javnosti.

3.4.4 PBS BiH izradjuje prepoznatljiv radio program ili ponudu koja je na najbolji nacin u funkciji javnosti, te privlaci i udovoljava potrebama slusalaca i gledalaca u cijeloj zemlji. Veliki dio radio programa sastojace se od vijesti i aktuelnosti. Radio program ce takodjer odrazavati cjelokupni muzicki spektar BiH, ukljuciti muzicku proizvodnju.

3.4.5 PBS BiH registrira domenu za sve javne radio-televizije, razvija ponudu preko interneta, te uspostavlja odnose sa BiH dijasporom putem interneta.

3.4.6 PBS BiH vodi i nadgleda nabavku programa inostrane proizvodnje, ukljucujuci i sportski program, u skladu sa uputama grupe za nabavku programa koja ce se osnovati zajedno sa entitetskim radio-televizijama.

### **3.5 Rukovodjenje**

3.5.1 Osnivacki odbor PBS BiH imenuje generalnog direktora kojem ce u radu podrsku pruzati: direktor Televizije i direktor Radija, poslovni direktor, direktor Finansija, direktor Marketinga, direktor Kadrovske sluzbe i direktor Odjela za informativnu tehnologiju. Generalni direktor predstavlja i zastupa PBS BiH. Generalni direktor je odgovoran

za zakonitost, integritet i odgovoran rad PBS BiH, a osobito za njegovo postivanje uredjivackih smjernica i provodjenje odluka Osnivackog odbora PBS BiH. Generalni direktor ce uz saglasnost Osnivackog odbora PBS BiH imenovati tim direktora u skladu sa najvisim medjunarodnim principima zaposljavanja i postivajuci principe nacionalne jednakopravnosti u skladu sa ustavom.

3.5.2 Direktor Televizije i direktor Radija ce direktno biti angazirani u planiranju, proizvodnji i izradi programske seme. Takodje ce popuniti i rukovoditi Odjelom za koordiniranje mreze, kao i manjim Odjelom za izradu web stranice i registriranje domena za sve javne RTV kuce. Poslovni direktor ce rukovoditi Odjelom za upravljanje imovinom i Odjelom tehnickih resursa, izuzimajuci Privremenu korporaciju za prijenos programa. Prvo se popunjavaju mjesta ova tri direktora.

3.5.3 Na mjesto **generalnog direktora** imenuje se profesionalno lice sa iskustvom u javnom RTV sistemu na najvisem nivou. Njegov zadatak je da oformi i rukovodi Odborom PBS BiH u svim aspektima njegovog rada, ispuni obaveze korporacije kao clanice EBU, te da utvrdi principe i standarde najvise medjunarodne prakse u svim aspektima Javnog RTV sistema u BiH. Generalni direktor ce oformiti i rukovoditi tijelom koje ce uspostaviti profesionalnu saradnju izmedju RTV kuca. U pocetku, ovo tijelo ce sacinjavati direktori entitetskih RTV kuca, te direktori PBS televizije, radija i poslovanja. Generalni direktor ce takodje uspostaviti saradnju sa entitetskim RTV kucama u cilju utvrdjivanja procesa koji ce omoguciti punu odgovornost Javnog RTV sistema prema javnosti. Generalni direktor ce Osnivackom odboru PBS-a ili njegovom sljedniku podnositi godisnji plan i izvjestaj o aktivnostima Servisa.

3.5.4 **Direktor Televizije**, profesionalno lice sa iskustvom u TV oblasti, odgovoran je za kreiranje PBS BiH TV vijesti, upravljanje razmjenom i proizvodnjom vijesti i drugih programa od entitetskih RTV kuca, kao i od nezavisnih producenata. On

ce izraditi ponudu PBS BiH programa i na Televiziji i novim digitalnim medijima. Informativni tim PBS BiH mora posjedovati dovoljne uredjivacke sposobnosti i resurse za proizvodnju domacih i stranih vijesti. Direktor Televizije ce takodje uposliti i voditi manji tim kao jezgro PBS BiH Odjela za TV proizvodnju. Tim za planiranje programa i budzeta ce direktoru pruziti podrsku u radu. Oni ce saradjivati sa producentima programa u cilju utvrdjivanja procesa odredjivanja budzeta za program, kontrole usluga i koristenja resursa, te osigurati da se utvrdjivanje seme, prijenosa i planiranja tehnickih resursa izvrsi najmanje godinu dana unaprijed. Ovaj tim ce tijesno saradjivati sa entitetskim RTV kucama. Koordiniranje televizijske mreze ce biti sastavni dio duznosti direktora.

**3.5.5 Direktor Radija**, profesionalno lice sa iskustvom u oblasti radija, odgovoran je za stvaranje radio mreze za cijelu drzavu. Njegov prvi zadatak je da uposli tim za proizvodnju radio vijesti, uspostavi razmjenu i proizvodnju programa sa entitetskim RTV kucama i izradi prijedlog programa za ovaj novi Servis. Tim za planiranje programa i finansije ce direktoru pruziti podrsku u izvrsavanju gore navedenih funkcija. Radio aspekti razvoja digitalne i internet mreze, kao i koordiniranje mreze ce biti sastavni dio duznosti direktora.

**3.5.6 Poslovni direktor** predsjedava Odborom Medijskog centra. clanovi njegovog rukovodnog tima su: sef Odjela za nabavku programa, sef Odjela za upravljanje imovinom i sef Odjela tehnickih resursa. On ce biti clan Odbora Privremene korporacije za prijenos programa. Poslovni direktor ce takodje rukovoditi manjim timom za pravna pitanja. Njegov zadatak je da osigura efikasan rad davalaca usluga i provedbu jasne politike u oblasti upravljanja imovinom, tehnickih resursa, ugovora o pruzanju usluga, te nabavku programa i prava u svim medijima. Direktor ce takodje rukovoditi radio-televizijskom Arhivom, u skladu sa najvisim profesionalnim standardima u korist svih RTV kuca, omogucice svakodnevni pristup



programskim materijalima i pripreme sav programski materijal za komercijalni razvoj.

**3.5.7 Direktor Finansija** je visi finansijski savjetnik za cjelokupni Javni RTV sistem BiH i treba da pomaze u uspostavljanju zajednickih i transparentnih racunovodstvenih procedura i finansijske kontrole za sve clanove sistema. Kao i svi aspekti uobicajenog racunovodstva, ove procedure trebaju obuhvatiti ugovore za naplatu i raspodjelu pretplate, utvrdjivanje cijene marketinskih usluga, te naplatu i podjelu prihoda izmedju RTV kuca. Direktor Finansija treba takodje biti odgovoran za kontakte sa vladom po svim pitanjima oporezivanja i naplate duga u ime Javnog RTV sistema. Sefovi Finansija u entitetskim RTV kucama ce raditi prema uputama direktora Radija i Televizije i saradjivati po strucnim pitanjima sa direktorom Finansija PBS-a. Manji odjel za internu reviziju bi trebao izvjestaj podnositi direktoru Finansija, raditi po potrebi i davati savjete o imenovanju nezavisnih revizora, kada je to neophodno, u skladu sa ovom Odlukom.

**3.5.8 Direktor Marketinga** daje savjete i vrši koordinaciju za cjelokupnu oblast marketinga i sponzorstva za javne RTV kuce. Manji marketinski tim u entitetskim RTV kucama ce raditi sa direktorima tih kuca, u saradnji sa direktorom Marketinga. On mora uspostaviti jasne i profesionalne smjernice za rukovodjenje ove djelatnosti i koordinirati prodajom marketing termina u entitetskim RTV kucama i u PBS BiH. Odjeli za marketing sve tri RTV kuce bi trebali biti smjesteni u istim prostorijama gdje su smjesteni Odjel za izradu programskih sema i Odjel za programsko planiranje i da, kao i ti Odjeli, izrade plan rada najmanje godinu dana unaprijed. Akcenat treba biti stavljen na sticanje prihoda, a ne na kompenzacione poslove.

**3.5.9 Direktor Kadrovskeg odjela** pruza podrsku rukovodstvu i radnicima u cjelokupnom Javnom RTV sistemu. On ce uspostaviti strukture za rukovodjenje u sljedecim oblastima:

zaposljavanje, pokretljivost osoblja i napredovanje u službi, zaštita na radu, obuka u svim oblastima, ugovori o radu, tehnološki visak, interni propisi, disciplinski postupci i odnos sa sindikatima. Po jedan manji tim za kadrovska pitanja će biti smješten u entitetskim RTV kućama koji će raditi sa RTV direktorima, ali će profesionalno saradjivati sa direktorom Kadrovske odjela, kako bi se osigurala primjena koherentne strategije unutar cijelog Sistema. Prvi cilj bi trebao biti sporazum o pravilnom i transparentnom sistemu plaća i sistemu bodovanja.

**3.5.10 Direktor Odjela informacione tehnologije (IT)** će biti odgovoran za formiranje manjeg stručnog tima, izradu koherentnog plana za nabavku i instaliranje kompjuterskih mreža neophodnih za rad Javnog RTV sistema. On će biti nadležan za odabir kako hardvera tako i softvera koji odgovara potrebama korisnika. Bice odgovoran za pružanje tehničke pomoći internet djelatnostima PBS BiH. On će saradjivati sa ostalim direktorima u cilju utvrđivanja područja u kojima IT odjel može ostvariti velike uštede i usmjeriti će aktivnosti u tom pravcu. Direktor Odjela informacione tehnologije neće biti nadležan za nabavku i raspoređivanje opreme za digitalnu proizvodnju. Time će se baviti Odjel tehničkih resursa PBS BiH. Međutim, oba Odjela će dijeliti odgovornost za lokalne mreže, obuku i podršku u oblasti informacione tehnologije.

## **3.6 Upravljanje imovinom**

3.6.1 Šef Odjela PBS BiH za upravljanje imovinom će biti odgovoran za raspolaganje prostorom, održavanje zgrade i pružanje usluga u Medijskom centru i davati savjete za korištenje ostale imovine koja je u sklopu Javnog RTV sistema. On će sa Odborom Medijskog centra odlučiti da li da za pružanje usluga iskoriste uposlene ili da za ovu svrhu angažiraju vanjske servise putem ugovora. Sprovodice se godišnja nezavisna finansijska revizija, a troškovi iste se moraju uračunati u sve prateće ugovore.

3.6.2 Šef Odjela za upravljanje imovinom će veoma tijesno saradjivati sa šefom Odjela za tehničke resurse i RTV kućama

po pitanju upotrebe prostora i opremanja RTV prostora prema specifikaciji. Tijelo koje će raspravljati o ovim pitanjima biće Odbor Medija centra.

### **3.7 Upravljanje tehničkim resursima**

Sef Odjela tehničkih resursa će biti lice sa iskustvom u oblasti radio-televizije i oblasti upravljanja tehničkim resursima sa odličnim poznavanjem novog digitalnog RTV okruženja. Njegov zadatak je da rukovodi i unapređuje tehničke resurse i tehničko osoblje u cilju ispunjavanja zahtjeva Javnog RTV sistema. Obuka osoblja će biti od sustinske važnosti. On će na raspolaganju imati manji tim istog nivoa stručnosti za rukovodjenje projektom.

## **Član 4. Radio-televizija Federacije Bosne i Hercegovine – Društvo sa ograničenom odgovornošću**

### **4.1 Program**

4.1.1 RTV FBiH je proizvođač programa, izrađuje programsku semu i emitira RTV program. RTV FBiH emitira opću programsku semu koja će sadržavati programe svih žanrova koji se najvećim dijelom odnose na Federaciju BiH. Njome upravlja Vijeće Radio-televizije Federacije Bosne i Hercegovine. RTV FBiH će se sastojati uglavnom od proizvođača programa kojima će podršku pružati manji visokoprofesionalni rukovodni tim. Veći dio njene infrastrukture i pomoćnih resursa će se obezbjeđivati putem ugovora sa PBS BiH. Ova korporacija će se potpuno usredsrediti na izvještavanje i predstavljanje svih aspekata Federacije Bosne i Hercegovine. Programske seme ove RTV kuće će sadržavati najmanje 40% programa domaće proizvodnje u svim programskim žanrovima osim informativnog programa. Značajan dio programa mora biti naručan od nezavisnih producenata, pri čemu je cilj da se iz ove oblasti, u roku od tri godine, ostvari 10% domaće proizvodnje. Cjelokupna proizvodnja će se rukovoditi dogovorenim uredjivackim smjernicama.

4.1.2 Ova RTV kuća ima mandat da emitira program na dvije radio mreže, i dva televizijska kanala. Ovi servisi će biti

komplementarni i mjesoviti. Svaki od njih ce uvazavati nacionalne i kulturne raznolikosti i bice popunjeni osobljem koje ce biti odabrano na osnovu najvisih profesionalnih kriterija u skladu sa principom nacionalne jednakopravnosti kako je utvrdjeno ustavom . U programima na ovim kanalima ce biti zastupljeni svi sluzbeni jezici. Oni ce pripremati informativni program u toku dana. Kontrolu funkcioniranja na ovim kanalima i mrezama vrši Odjel za koordiniranje mreže PBS BiH.

4.1.3 Ova RTV kuca proizvodi program u svojim odjelima i narucuje program od nezavisnih producenata. Odjel za marketing ove kuce ce biti ukljucen u realizaciju godisnjeg plana za prijenos programa i reklamiranje. Ovaj proces ce se zasnivati na kvalitetnom istrazivanju slusanosti i gledanosti.

## **4.2 Rukovodjenje**

4.2.1 Vijece RTV FBiH imenuje jednog **“direktora Radio-televizije”** koji podnosi izvjestaj o svom radu Vijeću RTV FBiH u skladu sa zakonom. Direktor predstavlja i zastupa RTV FBiH. On je odgovoran za zakonitost rada RTV BiH, narocito njeno postivanje dogovorenih uredjivackih smjernica i zakonskih odredbi. Direktor Radio-televizije je visi rukovodilac, nadlezan za cjelokupan program i na radiju i na televiziji. On je odgovoran javnosti za sve aktivnosti RTV kuce. Imenuje sve clanove rukovodstva u saradnji sa Vijećem i uz konsultacije sa direktorom Kadrovskog odjela PBS BiH i sefom Kadrovskog odjela RTV FBiH. Uposljavanje ce biti provedeno u skladu sa kriterijima utvrdjenim u paragrafu 4.1.2.

4.2.2 Direktor Radio-televizije imenuje urednike vijesti za radio i televiziju. Direktor takodjer imenuje sefove programskih odjela koji ce biti istog ranga, ukljucujuci ali se ne ogranicavajuci na, sefove RTV odjela koji ce imenovati svoje timove za proizvodnju programa. Ove timove ce sacinjavati producent/direktori, pomocnici producenata, i rukovodioci proizvodnje programa. Sefovi informativnog programa i proizvodnje ce uspostaviti tijesnu saradnju sa svojim kolegama u PBS BiH i RTRS. Oni ce podrzati i uspostaviti sistem medjusobne razmjene i proizvodnje svih

programa, a posebno izmedju informativnog programa RTV FBiH i informativnog programa PBS BiH, i na radiju i na televiziji.

4.2.3 **Sefa Finansija** imenuje direktor Radio-televizije. Sef Finansija je odgovoran za kontrolu svih izdataka i cjelokupni godisnji budzet RTV FBiH, ukljucujuci i prihode od reklama. On je odgovoran za proces izrade programskog budzeta i uspostavu interne finansijske revizije. On rukovodi procesom izrade godisnjeg finansijskog plana, utvrđuje potrebe u svim oblastima za narednu godinu i uskladjuje ih sa raspolozivim budzetom. Rukovodi ugovornim odnosima sa svim nezavisnim producentima i davaocima usluga, ukljucujuci i ITC. Odgovoran je za sklapanje ugovora sa Elektroprivredama, i za sve druge aspekte sakupljanja pretplate ukljucujuci imenovanje nezavisnih revizora. Sef Finansija ce saradjivati sa direktorom Finansija PBS BiH.

4.2.4 Direktor Radio-televizije ce imenovati **rukovodioca Odjela za planiranje programa, marketing i izradu programske seme** koji ce djelovati u saradnji sa direktorom Marketinga PBS BiH i bice odgovoran za pripremanje godisnjeg plana za prijenos programa i reklamiranje, zasnovanog na kvalitetnom ispitivanju javnog mnijenja i obimne razmjene programa. Osigurace da su sve seme i planovi za marketing pripremljeni u saradnji sa PBS-om BiH.

4.2.5 **Rukovodioca Kadrovskog odjela** imenuje direktor Radio-televizije. On ce rukovoditi malim timom koji daje podrsku upravi zaduzenoj za sva kadrovska pitanja. Ovaj tim saradjuje sa direktorom Kadrovskog odjela PBS BiH, koji ustanovljava cjelokupnu strategiju vezanu za kadrovska pitanja. Isti obezbjedjuje da zaposljavanje, kadrovske strukture i radne metode budu u skladu sa najvisim medjunarodnim standardima u ovoj oblasti.

4.2.6 **Upravni odbor RTV FBiH** sacinjavaju direktor Radio-televizije, rukovodilac Odjela za planiranje programa, rukovodilac Odjela za finansije i rukovodilac Kadrovskog

odjela. Upravni odbor se sastaje najmanje jedanput svake dvije sedmice, a rukovodilac sektora emitiranja predstavlja programska pitanja. Upravni odbor ce u saradnji sa Odborom PBS BiH usaglasiti i izraditi pravila procesa rada, mehanizme finansijske kontrole, i posebne zanrovske protokole za upravljanje procesima proizvodnje programa za primjenu u cjelokupnom Javnom RTV sistemu.

**4.2.7 Programski odbor RTV FBiH** se sastaje najmanje jedanput svake dvije sedmice, naizmjenicno sa Upravnim odborom. Njime predsjedava direktor Radio-televizije i cine ga urednici vijesti, te rukovodioci radio i TV odjela za sve programske zanrove. Glavna svrha ovog Odbora je da vrsi procijenu i razmatra cjelokupni program. Programski odbor isto tako pokrece pitanja za Upravni odbor, te daje doprinos cjelokupnoj politici narocito na polju izrade programskog budzeta, narudzbe programa, izrade sema i radne prakse u proizvodnji. Programski odbor ce se sa Upravnim odborom sastajati svaka tri mjeseca.

4.2.8 Direktor Radio-televizije podnosi Vijecu RTV FBiH godisnju analizu aktivnosti svih odjela.

4.2.9 Direktor Radio-televizije predstavlja RTV FBiH u grupi PBS BiH za nabavku stranog programa i u Odboru medija centra.

## **Clan 5. Radio-televizija Republike Srpske**

RT RS je RTV kuca za Republiku Srpsku kojom rukovodi Upravni odbor RT RS. Kako bi imala pristupa programima PBS-a BiH i iskoristila tehnicka sredstva PBS-a BiH i odjele za upravljanje imovinom, ova RTV kuca ce izvorsiti restrukturiranje rukovodne strukture u skladu sa principima utvrdjenim ovom Odlukom, i sprovesti ugovore o pruzanju usluga i uzajamnoj podrsci unutar Javnog RTV sistema BiH. Ova RTV kuca emitira program putem jedne radio mreze i jednog televizijskog kanala, a zaposljava osoblje iz reda svih naroda i sluzi svim narodima u skladu sa ustavom.

RT RS emitira opću programsku semu koja će sadržavati programe informativnog, obrazovnog, kulturnog i zabavnog karaktera, usredsređena na izvještavanje i predstavljanje svih aspekata Republike Srpske.

Programske seme ove RTV kuće će sadržavati najmanje 40% programa domaće proizvodnje u svim programskim žanrovima osim vijesti. Značajan dio programa mora biti naručen od nezavisnih producenata, a cilj je da se iz ove oblasti, u roku od tri godine, ostvari 10% domaće proizvodnje. Cjelokupna proizvodnja će se rukovoditi dogovorenim uredjivackim smjernicama.

## **Član 6. Provedba**

Ova Odluka stupa na snagu 23. oktobra 2000. godine. Odluka ima privremeni karakter do sve dok Bosna i Hercegovina, Federacija BiH i Republika Srpska ne usvoje odgovarajuće zakone. Ti zakoni će biti sljedeći: Zakon o PBS BiH, novi Zakon o RTRS i izmijenjeni i dopunjeni Zakon o RTV FBiH. Oni će biti u skladu sa principima iz ove Odluke i ojačati status Javnog RTV sistema u Bosni i Hercegovini. U sklopu ovog novog pravnog okvira, uskladit će se struktura i ovlastenja upravnih organa Javnog RTV sistema. Ovom Odlukom se ni na koji način ne stavljaju van snage regulatorne ovlasti Nezavisne komisije za medije ili njenog sljednika. Ova Odluka će odmah biti objavljena u Službenom glasniku Bosne i Hercegovine, Službenim novinama Federacije Bosne i Hercegovine i Službenom glasniku Republike Srpske.

Sarajevo, oktobar 2000. godine

Wolfgang Petritsch  
High Representative

**Aneks na Drugu odluku Visokog predstavnika o restrukturiranju javnog**

# RTV sistema

Aneksi Odluke Visokog predstavnika o restrukturiranju Javnog RTV sistema u Bosni i Hercegovini od 30. jula 1999. godine, koja je objavljena u "Sluzbenom glasniku Bosne i Hercegovine", broj 14/99 (u daljem tekstu: "Odluka o restrukturiranju") se mijenjaju kako slijedi:

## Clan 1

Clan 11 u Aneksu 1 se brise.

## Clan 2

Druga recenica u clanu 2. Aneksa II se mijenja i glasi: "RTV FBiH je duzna da u potpunosti postuje dogovorene uredjivacke smjernice, "Kodeks o uredjivanju televizijskih i radio programa", kao i druge zakone koje je izdala Nezavisna komisija za medije (IMC), u skladu sa ovim Zakonom, drugim propisima, Statutom i ostalim opcim aktima RTV F BiH".

## Clan 3

Clan 7 u Aneksu II se brise.

## Clan 4

Clan 38 u Aneksu II se brise.

## Clan 5

Clan 42. paragraf 1 Aneksa II se mijenja i glasi:

"Organ RTV FBiH je Vijece RTV F BiH." U paragrafu 2 rijeci " i njihovih zamjenika" se brisu.

## Clan 6

Clan 43. Aneksa II se mijenja i glasi:

" Vijece RTV F BiH je organ putem kojeg se na nacin definiran ovim Zakonom ostvaruju javni interesi u radu RTV F BiH."

Vijece RTV FBiH ce:

- a. utvrditi organizacione osnove RTV FBiH;
- b. osigurati pravicno zaposljavanje u skladu sa nacionalnom zastupljenoscu;



- c. usvojiti Statut RTV FBiH, kodekse, opće akte o emitiranju reklama i prikupljanju TV pretplate i druge opće akte;
- d. odobriti osiguranje dodatnih programskih usluga (član 9.);
- e. imenovati i smjenjivati RTV Direktora;
- f. vršiti druge dužnosti utvrđene zakonom i Statutom;
- g. podnositi zahtjeve za izdavanje dozvola za rad, čuvati i osigurati postivanje svih odgovarajućih dozvola za rad koje je izdao IMC; i
- h. osigurati odgovornost RTV FBiH prema javnosti.

Tokom perioda u kojem je Federacija BiH jedini vlasnik RTV FBiH, Vijeće će također obavljati funkciju skupštine društva sa ograničenom odgovornošću u skladu sa zakonom.

#### **Član 7**

Prva rečenica u članu 46. Aneksa II se mijenja i glasi:

“Vijeće RTV FBiH će izabrati predsjedavajućeg i zamjenika predsjedavajućeg iz reda svojih članova, koji ne mogu biti iz reda istog konstitutivnog naroda.”

#### **Član 8**

Članovi 47 do člana 51. Aneksa II se brišu.

#### **Član 9**

Član 52. Aneksa II se mijenja i glasi:

U skladu sa ovim Zakonom, Statut RTV F BiH regulira:

1. adresu sjedišta RTV F BiH u Sarajevu;
2. druge aktivnosti;
3. način donošenja odluka Vijeća;
4. ovlastenja i obaveze RTV Direktora i rukovodilaca;
5. prava i dužnosti zaposlenih;
6. način utvrđivanja naknade za rad članova Vijeća;
7. odnose sa sindikatom;
8. zaštitu povjerljivih informacija,;

9. druga pitanja od znacaja za rad RTV FBiH, ukljucujuci, bez ogranicenja, nacin na koji ce se obezbjediti dozvole za rad koje izdaje IMC;
10. unutrasnju organizaciju Radio-televizije FBiH i rukovodjenje.

### **Clan 10**

Prva recenica paragrafa 1 clana 56. Aneksa II se dopunjuje i glasi:

“U cilju osiguranja finansijske transparentnosti i odgovornosti pred javnoscu, Vijece RTV FBiH donosi odobreni godisnji budzet za tekucu godinu najkasnije prvog dana februara svake godine.”

Posljednja recenica u clanu 56. se brise.

### **Clan 11**

U clanu 60. Aneksa II prva recenica se mijenja i glasi:

“Vijece RTV FBiH odlukom utvrđuje iznos RTV pretplate”.

## **Office of the High Representative**